

TUDM BERBAKTI KEPADA MASYARAKAT DENGAN MELAKSANAKAN PENERBANGAN IHSAN

 airforce.mil.my/berita/acara-rasmi/3330-tudm-berbakti-kepada-masyarakat-dengan-melaksanakan-penerbangan-ihsan

KUCHING, 12 Apr 18 – Pesawat CN235 (No 1 Skuadron) telah melakukan penerbangan ihsan dari Miri ke Kuching membawa seorang pesakit, Gibson Laja Anak Dian berumur 3 tahun 8 bulan, menghidap penyakit jangkitan paru-paru tahap kronik yang terpaksa dipindahkan ke Hospital Umum Sarawak. Penerbangan ini diketuai sendiri oleh Pegawai Memerintah No 1 Skuadron, Lt Kol Syed Faisal bin Syed Abdul Kadir TUDM.

Penerbangan yang mengambil masa selama 1 jam 30 minit ini terpaksa mengekalkan ketinggian 8000 kaki atas faktor tekanan udara dan oksigen yang menampung alat bantuan pernafasan pesakit. Pesawat telah mendarat dengan selamat di Pangkalan Udara Kuching dan pesakit dibawa ke Hospital Umum Sarawak untuk menerima rawatan lanjut.

‘Kami komited dalam memberi bantuan kepada masyarakat. Tiada Kompromi dalam menjalankan tugas sebagai seorang anggota tentera’, kata Pegawai Memerintah No 1 Skuadron, Lt Kol Syed Faisal bin Syed Abdul Kadir TUDM.



